

مرکز تۈزۈمى :
باب عالي جاده سنده (اتحاد
تجارت) كىتبخانهسى

آبونه بدلى :
سنه لىكى ۱۰۰ غروش
آلتى آلتى ۵۰
مالك اجنبىه ايچىن ۲۵ غروش ضم
اولوناليدىر .

آبونه قىدى معامله سى هر سنه نك بونجى
وايك بى آلنى آيندىن اعتباراً اجرا اولونود

دېنى ، علمى ، ادبى ، اجتماعى

مخمس

۱۳۳۸

بىر كىتاب سىنا مېتىرى

صاحبى ، مديرى ، محررى :

اداره خانه سى :
بايزيد جامع شريف نك تربه قاپسى
قارشيسنده

اسلامك نفعنه خادم مقالات
مما الت شكر قبول ونشر اولونود
يازانك شخصى دكل ، يازىنك اهمى
نظر دقتت آلتىير .

كلن يازىلردن شايد قبول كورولنار
تاوخ صيراسيله درج ايدىلير .

كونده ريله جك آثار ، اوقوناقل
ومختصرجه يازىلش اولماليدىر .

فى : غروش

شوال



جلد

عدد

۱۰

۱۳۴۲

۴

۴۸

بایرام تبریکی و برایکی سوز :

ملت اسلامیه نك متيمن ايامندن بری بولونان
بایرام کلدی. جناب حق، بالعموم امت محمد حقنده
مبارك ايلهیه .

امتندن بعضیلرینك طلب و تمیسی اوزره رینه
جناب روح اللهك «یاربی! بزه سماوی برمانده احسان
ایله که اونك نزولی، بزه و بزدن صو کرا کیلره بایرام
اولسون، همده سنك قدرت الوهیتکه بر علامت
تشکیل ایتسین . ربم! بزی مرزوق ایله که سن،
رزق و یرنلرك اك خیرلیسیسك» دیه دعا ایتمش
اولدیغنی اسان الهی (قال عیسی بن مریم اللهم ربنا
انزل علینا مائدة من السماء تكون لنا عیداً لا وانا
و آخرنا و آية منک و ارزقنا و انت خیر الرازقین)
نظم بدیعیله خبر و یریور .

بنده بوتون مسلمانلر ایچین سماوی برمانده
اولاجق ادراك و معرفت و توفیق هدایت احسانیه
اهل ایمانك مادی و معنوی اعتلاسنی، بونی کورمکه ده
اسلام عالمك حقیقی بایراملر یا پماسنی، شومعه جزه نك
قدرت کبریایه بر آیت کبری اولماسنی، اوسماوی و الهی
مانده دن هر فردیمزك بهره بولماسنی عنایت جلیله
ربانیه دن کمال انبھال ایله استرحام ایدیورم .

و هذا دعاء لایرد لانه

دعاء لاصناف البریه شامل

بوندن صو کرا ده بعض معروضاتده بولونا جغ:
موفق الخیرات اولان جناب حقده حمد و ثنا
اولسون که (محفل) مجموعه ناجیزی، بونسخه ایله
دردنجی سال حیاتی اکمال ایتدی و جلد رابعی
تماملادی .

بك جوق نواقصی بولوندیغنی اعتراف ایله برابر
انتشار ایتمش اولان مجلداتنك اولدجقه مفید بر مجله
تشکیل ایله دیکنی ده تحدیث نعمت قیلندن اولارق
سویله یه بیلیرم .

حتی حالی و مالی برطاقیم موانعه رغماً هر
نسخه سنده مشهود و محسوس بر ترقی کوسترمش
اولدیغنی ده ارباب ادراکك نظر انصافنه عرض
ایده رم . برقاچ سنده نبری طلوع و افول ایله یین
و یا خود سونمش ییلدیزلر کی مطبوعات افق لرنده
کورولور کورولمز بر حالده طوران مجموعه لرندن
چو غنه و موفقیت نصیب اولما مشدر .

فیحمداً ثم حمداً ثم حمداً

ینه توفیقات الهیه جمله سندن اولق اوزره
بعض قدر شناس قارئلریمزك شفاهی و تحریری
تشویقه مظهر اولمش و مجموعه نك هفته لقی نشری،
امکانی بولونا مادیغنی تقدیرده اون بش کونده بر جیقا
ریلماسی طابنه معروض قالمش، شوالتفاتنه عرض
شکران ایله برابر اول امرده محترم قارئلریمزك
عمومی استمزاج ایتمش اولق ایچین کجی نسخه ده
بر آجیق مکتوب نشر ایله مش، آتیده کی سؤالره
جواب اعطا بویورمالرینی رجا ایتشم :

۱ — محفلک اون بش کونده بر اولق اوزره آیده
ایکی دفعه نشرینی آرزو ایدیورمیسکز ؟

۲ — اون بش کونده برانتشار ایله دیکنی حالده
مجموعه نك سنه لکی عین قطعه و صحیفه ده ۲۴ عدد اولاجقدیر .
بونسخه لرك آلتی آیلغه ۱۰۰، سنه لکینه ۲۰۰ غروش
آبونه بدانی مناسب کورورورمیسکز ؟

۳ — تنسیب بویوردیغکز تقدیرده، دردنجی سنه نك
خانمهی اولان ۴۸ نجی نسخه نك انتشارینی متعاقب آبونه
بدانی کوندیره جکمیسکز ؟

۴ — محفل کی مجموعه لرك رواجی، تشویقات
و ترغیبات ایله اولایله جکندن هیچ اولمازسه برکیشینك
آبونه یازیلماسنه دلالت بویوراجکمیسکز ؟

ترغیبکارانه موافقتی حاوی بر آرز جوابنامه
آدم . مع مافیله آجیججه سویله مکدن چکینمه یه جکم که
اجوبه وارده، محفل (نیم ماهه) چیقارما یه، داها
طوغروسی شیمدیکینك ایکی مثل مصرفه قاتلانما یه
جرات و یره جك مقداره بالغ اولما مشدر .

بناءً عليه عینی سؤالی کرک آبونه اولان، کرک هر نسخه بی آری آری آلان قارلریمزه تکرار صور و یورم، برآمد دیمک اولان جوابلرک مقدار و شکله کوره مجموعه نک عدد انتشاری ده یا آرتاجق، یا خود حال سابقک محافظه سنه چالیشیلا جقدر . شوراسنی ده عرض ایدیم که :

۳۷ نجی نسخه دن اعتباراً سنه ۴۳ نجی نومرو دن ابتداء آتی آیلق آبونه اولانلرک مدت اشتراکی بونسخه ایله بیتمشدر. طبعیدرکه اوزوات کرامک تجدید قید ایتدیرمه سی و هنوز حساب کسمه مش اولانلرک تسویه دینه همت ایتمه سی مجرعه نک دوام حیاتی ایچین الزمدر. ومن الله التوفیق

طاهر المولوی

جلد رابعک فهرستی ان شاء الله کله جک نسخه ایله برابر تقدیم اولونا جقدر .

محفّل دینی و علمی :

تفسیرلر - مفسرلر

روایت و درایت :

معلوم اولسون که قرآن کریم، قوم نجیب عربک لغتی و اولنلرک اسالیب بلاغتی اوزره نازل اولمش بولوندیغندن قوم عربک هر بری اونی آکلار والفاظ مفرد و تراکیب بلیغه سنک محتوی بولوندیغنی معانی لطیفه و مضرایای دقیقه یه حسب السلیقه مطلع اولوردی . حتی بولنلرک ایچندن (فاصدع بما تؤمر) آیتنی طویوب، حس ایلدیکی تأثیر بلیغک اجبارینه دایا نامایان و در حال سجده یه قاپانان بدوی قیزلری، قرآن نه در ؟ طویماش و بیلمه مش، لکن تصادفاً سورة یوسف اوقونورکن بر آزدیکه مش، تراکت موضوع و نزاهت افاده یه باییلوب « یا هو !

بونه کوزدل حکایه منسجمه « دیه رک اوتلاندینی ده وه لری اونومش بدویلر بیله بولونمشدی . (اذاجاء نصر الله) سورة جلیله سی نازل اولدقده سلطان المفسرین ابن عباس حضرتلری - ذوق سلیمی و سلیقه عربیه سی یاردیمیه - فخر عالم اقدیمزک عالم آخرته ارتحال بویوراجقلرینه انتقال ایله مشدی .

أوت (اذاجاء نصر الله والفتح ورأیت الناس یدخلون فی دین الله افواجا) بویورولونجه آلت طرفنده مادام که بویله در، شونعمت جلیله یه تشکراً اعلا ی کلمه الله ایچون (لئن شکرتکم لازیدنکم) مفادینجه شویله ایتیمک و بویله غزایه کیتیمک کرکسک کی بر امر الاهی صدوری، ایلک نظرده وارد خاطر اولدینی حالده (فسیح بمحمد ربک واستغفره) دیه جانب حقّه توجه و انابه ایله فرمان الاهی صادر اولوویرینجه سلطان دین و دنیا و برهان الرسل والانقیاف اقدیمزک تبلیغات و تشبثات ماده سنک صوکی اولوب ارتحال نبویلری تقرب ایتمش بولوندیغنی ذائقه بلاغته حس اولونور. کذا (الیوم اکملت لکم دینکم) آتی نازل اولدقده ابوبکر الصدیق آغلامش و ذوق بلاغته ارتحال نبوی بی بر نوع ناعی و خیر اولدینی آکلماش و بر شیتک کاله ایردکه همه حال زواله یوز طوواجنی طبیعی بولوندیغنی علاوه سویله مشدر .

ایشته شو برقاج مثال بزه آکلایورکه اصحاب کزین حضراتندن طوت ده بدویله وارینجه یه قدر اولاد عربدن هرکس قرآنک معانی جلیله سنی سلیقه ذوق یاردیمیه آکلاردی. قرآن ایسه ایجابنه کوره توحید باری و حشر و نشری، و فرائض دینه بی بیان ایچون جمله جمله، آیت آیت نازل اولوردی .

آیات قرآنیه نک بعضیسی عقائد دینه یه متعلق